

澣墅關志卷之十七

釋

晉

支遁字道林本姓關氏陳留人或曰林慮人年二十五釋形入道初居餘杭山後住支硎山嘗於吳縣土山墓下合道俗二十四人爲八關齋性好鶴嘗鍛其羽畜之視有悞喪意遁曰既有凌霄之姿何肯爲人作耳目近翫養令翮成使飛去又好養馬或言道人畜馬不韻曰貧道重其神駿耳今有石室放鶴澗馬跡石皆其遺蹤也陽山文殊寺相傳爲所開林府志

舊志合纂

澣墅關志

卷之十七

釋

一

嶼雲海禪師見傳燈錄支遁第一上足化塔在文殊寺治地者

曾得其銘

舊志

宋

崇岳號松源禪師生於處州龍泉吳氏年二十三棄家見大慧杲於徑山慧稱蔣山應庵爲人徑捷遂往從之遊後入岡見木庵承公雖有契承公未肯云明明向汝道開口不在舌頭上去參密庵傑禪師因語次大徹始會木庵前語出世於平江澄照爲密庵嗣已又遷虎邱終於靈隱陸游塔銘

明

善學字古庭吳郡馬氏子十二出家大慧寺十七得度爲僧從



林屋清公受華嚴於光福明年聞曹溪寶覺蘭公道行往依  
焉得受法戒觀門并元文要旨蘭公甚相契許稱爲入室若  
賢首疏華嚴圓覺楞嚴起信諸部皆極深研究由是盡得法  
要作十元門賦示元宗大旨至正甲申無言宣公在報恩延  
爲上座宣政院請師開法崑山薦福庚寅復主陽山大慈席  
學人愈衆洪武三年光福合道俗請師居之已而被累遣居

池陽

吳釋傳參  
宋濂塔銘

大祐字啟宗號蓮菴俗姓吳氏幼開悟聞誦楞嚴咒隨口成誦  
年十二出家寄心菴旣壯爲澤天泉司懺又之武林從及公  
參禪洪武間召與蔣山廣薦會遷郡之北禪歷僧錄司左右

泚墅關志

卷之十七

釋

二

善世會內難棄歸穹窿永樂初起修釋書凡括大般若義六  
百卷及生平所著淨土指歸淨土真如禮支彌陀金剛二經  
直解天台授受圖法華撮要圖淨土解行二門圖行世

姑蘇志

宏恩號雪浪金陵黃氏子年十二出家長于寺長於慈山一歲  
比肩爲沙尼事無極法師夙習頓現讀內外典利如奔馬慈  
山北遊遂以宏法爲己任日據華嚴座講演盡掃訓故單提  
本文指示言外之旨恒教人以理觀爲入法之門說法三十  
年賢首宗得繼席者以百計乘法而轉教者以千計南北法  
席之盛近代所未有也恩高額廣顧肌理如玉具大人相所  
至襯施雲委不推不戀博通經史攻習翰墨登山臨水聽歌



度曲隨順世緣了無迎距晚年開接待院於吳之望亭日則隨衆作務夜則篝燈說法以勞示微疾沐浴端坐而逝歸葬

於雪浪山 列朝詩集

本朝

讀徹字蒼雪滇南呈貢趙氏子幼從雞足水月道人為沙彌年十九遠遊受戒雲棲參雪浪於望亭浪歿依一雨潤於鐵山與明河並為入室弟子徹博涉內外典賦詩亦多警句以華嚴經為法海非精研疏抄不能涉其津涯窮其奧窔遂與河訂分講之約河卒遂獨力荷擔雖病弗輟住中峯建殿買田伽藍一新順治丙申應寶華山見月請講楞嚴至山中病

許墅關志 卷之十七 釋

劇作解嘲詩辭世偈而逝 府志

照航字水觀族姓郁父槐母黃氏航幼喜清淨年十九捨族出家始居陽山西之法林菴渡海至普陀受具足戒參叩諸方還居菴中生平無文飾衲衣盂飯與言佛法則應世諦則不應持誦不輟口臨終跏趺說偈泊然而逝普淨字迴塵族姓許即土人也因皈信航棄家為僧竭力經營法林蔚然成名藍卒與航同葬菴西淨弟子通瑩九賢 徐枋塔銘 秉谷字風遇別自號藐菴俗姓任通州人父某母馬氏少警敏聞誦經念佛聲輟喜躍就塾受書過目不忘及長棄家受具戒徧走諸方參究遂出世於許墅廣福院蕪廢且久支傾



起仆十有七年院故密邇權關谷閉門晏坐無異深山窮谷而喜與文士交朱天成過廣福訪風公詩云遠公方結夏叩訪到松關林下惟聞鳥樓前卽見山鐘聲驚寂寞梵韻入潺湲揮塵空談道飄然塵事閒一日忽示微疾卽豫剋化期瀕滅呼侍者取盥水水至則曰我身本淨無煩此也因掬水拭目顧左右曰個段光明也要大家委悉遂含笑而逝建塔於院後之隙地汪琬塔銘乾隆間有字恂如者亦朴訥有戒行能與衆同勞苦重興是院名聞都門親王有十行同圓之額云徒紹端得師傳嚴於戒行能詩善奕與朱高濬李駘源諸先生爲聯句手談友一日行市中見鯉魚以錢買之移歸養庭

泚墅關志

卷之十七

釋

四

中三日後忽黑雲如墨雷電交作里中人皆見有黑龍從寺中天矯直上而逝觀者如堵晴霽後視魚已杳然矣問之端端亦不言所以人始以爲異後與李駘源奕忽謂之曰吾將有所往不能常侍楸枰間矣局竟李辭去聚徒衆訓以後事具衣禮佛畢歸方丈端坐而化類記參舊聞

本光字于宋文文肅公冢會孫生卽茹齋五歲擲管作大士像年二十依靈巖繼起和尚後遊京師卓錫磬山禪院前後起建精舍數十楹善畫山水守家法兼工寫真年八十餘歸葬其父母而卒畫徵錄

性卓字彥石黃埭人主講郡城永定寺戒行精嚴闡揚經教



兼通儒理直接北宗之緒

縣志

本素與其徒堅持並工篆學居慧文菴士人往來屢常滿戶外同時與黃鼎陳炳王淮沈德潛張畹李果王會等互相討論所詣益進

誠參字鴻漸居小白陽山之古龍菴能詩作畫師張戶部宗蒼筆致蕭疎有宋元人意人品亦雅潔又有鳴謙名搗吉耽吟詩以陳處士炳為師木鳶朱受新贈詩云空山兩高僧澹然遺世慮淨心既無塵自有冰雪句可見其風致矣搗吉有復春道人且存稿二卷

張茂根傳

游墅關志

卷之十七

釋

五

久之得山谷雲樹狀遂善畫徐布衣雲溪朱山人璞俱傳其筆法

凌奎傳

賓如字寄舟杭人居陽山工寫蘭詩句清雋頃刻數十首搖筆而就後有一泉工畫墨梅詩亦雋

蘭風禪師耙石嶺景福菴高僧也甚有道行今寺後有化塔殿前有遺像云故菴一名蘭風塔院

徵聖和尚康熙間陽山大覺寺僧也真修禪行不替靈巖宗風與華山卑牧高雲並稱尊宿寺又有老僧虔誦華嚴經一字一拜韋馱座下磚皆穿足跡宛然今已毀

服菴高雲法嗣埋頭就學高雲曾與書云與爾做一不入時



師弟期有實際生死到來用得着者方不負初心也其徒意  
白服遠亦能不墜其聲

源正卓錫華嚴慨殿宇頽廢苦志募修檀施雲集遂重建大  
殿及廊廡煥然一新其徒樸安戒行精修超出塵外徒孫悟  
明樸實秉戒人咸重之悟賢好讀書喜與文人游嘗學書於  
許永文神似之以能書名

已上  
新增



沂墅關志卷之十七

道

秦

管霄霞不知何許人相傳始皇時隱管山成仙故以其姓名其

山仙人洞來鶴峯皆其遺蹟明王穉登遊山詩有斷碑空記

管霄霞之句

采風類記

漢晉間

丁令威不知何時人搜神記曰遼東城門有華表柱忽一白鶴

集柱頭有少年欲射之鶴徘徊空中言曰有鳥有鳥丁令威

去家千歲今來歸城郭如故人民非何不學仙家纍纍遂冲

沂墅關志

卷之十七

道

天去相傳令威居陽山白鶴峯下煉丹得仙丹井猶存白鶴

峯即指化鶴事也

互見山第宅

明

周讓謙嶧山東嶽廟道士也永樂五年徵天下道眾啟玉錄齋

科讓謙應召詣行在設壇百日致異應成祖賜璽書褒美之

本朝

黃袞字山補道號虛堂明五嶽山人省會後幼警敏食餼於

庠試輒高等性至孝執親喪哀毀骨立孺慕終老不衰生平

重祠墓輯宗乘訓子孫有景行家範等集傳於世每月晦焚

香默坐自訟一月所為晚而棲心寂靜丹經秘笈靡不研究



規律尤嚴時鐵竹道人施道淵闡教演法四方崇信衮繼出  
先得內煉訣於鶴嶺山人後從王崑陽律師受邱長春真人  
戒法持戒精進遂印證宗旨與道淵雖宗派不同皆以戒行  
誠孚後學不以科儀符籙服食見長康熙癸亥員外郎黃懋  
權稅濟墅重修張氏文昌閣顏曰太微律院延衮居之遠方  
來受戒者甚衆丙寅禮長春遺塔遠涉京師設戒壇都下諸  
公咸加敬禮歸而化去院中鑄石像祀之家人迎其喪歸子  
孫世登科甲云

彭寧求  
石像記

霖谷少年曾受異人傳運氣之術平居閉戶靜坐不妄與人  
言夏夜不設帷帳所佩一劍甚寶愛之嘗攜劍之秦楚以結  
濟墅關志

卷之十七

道

二

交奇士倦遊而返或叩以驅神役鬼之事遜謝不知叩以休  
咎輒應曰吾信以理非決於數也人皆呼爲梅怪亦有功於  
太微律院云先是有孫太晉爲黃冠居金芝嶺能詩

老道士王其姓一誠其名普洱人少壯爲弁五十時落職無  
依之京師痢作幾死遇異人傳內煉訣得活遂入道自號活  
死人不以姓名示人乾隆嘉慶間來住管山來鶴院髮盡白  
髮兩髦盛以囊不簪不巾人皆以老道士呼之所居室極精  
潔飲酒食肉如常人而寡言語曰人不傷氣是永年訣人與  
語多頷而不答越數年因山洞爲生壙顏曰活死人墓壽至

一百餘歲終

閔若勇凌壽祺  
老道士傳合參



呂守樸號雲隱長洲人父忠字貞九明末棄諸生隱黃冠見縣志守樸生而穎異年十四卽洗心道奧持長齋行法濟人不受餽後從王崑陽律師受邱真人戒遂開演鉢堂于管山顏曰靜真道院戒子得道者甚衆所著有東原語錄復立山房詩行世姪太晉得其傳人以爲可媲美云繼有陶靜巖精法律屢著神異王會汾作記表之王會汾記靜巖法師天性樸淳道行高妙遇人無親疏厚薄必竭其誠於世間聲利之境泊如也早歲養真鷲湖精探秘錄盡薊子費公之術驅使百靈遠近請謁踵至而師深自韜晦粥粥若無能者旣而膠溪賢士大夫慕師高行延主管山法席師以道院將圯籲於權使者葺而大之隻樓邃閣炳煥蒨深落成有日而師已厭世返真矣余與師交好垂四十年知其胸次灑然而願力宏毅有非世俗所能至者於其沒也不可無言暇日將作傳付諸其徒先書數語以爲左券云爾時乾隆丙子五月下浣

濟寧關志

卷之十七

道

三

徐來鴻字修明光福里人崑山相國族也九歲從張懷德簪冠文昌閣布衣敝履苦心學道閣自虛堂黃袞振興後日就頽廢來鴻誓募重建奈工鉅難成旣夢一大人立山門外徘徊四顧來鴻記形默相訖無所應後巡撫閔鶚元按部過之登閣眺覽來鴻頓悟前夢肅然叩告閔鑒其誠首割廉俸權部員外郎四德繼之布施山積凡殿堂樓閣諸處俱煥然一新一時士大夫若稽相國璜贈修真養素額以美之張徵君詒以來紫一二顏其室時乾隆五十年間也至嘉慶八年以

疾終凌壽  
祺傳



潯墅關志卷之十七

釋道補遺

○道昂暗誦法華七軸如注每日旦從陽山入城持誦數周終身不輟人請懺悔皆謝不應

○如德號雪心餘杭名家子弱冠禮紹興能仁寺月溪性孤潔恒勸人真實念佛年六十三示寂萬曆丙辰季冬塔瘞松化石下介白其高足

○海融號介白棲心物表淨行林墅駐錫長雲凡文殊諸廢以次修舉唄呪之餘覓句行吟道俗欽仰爲一時耆德

已上俱陽山志



許墅關志卷之十七

藝文

宋

謝絳聖治箴五篇希深集五十卷

謝景平書傳十篇詩說十

篇

景平絳子

章憲復軒集十卷

曾幾序

元

王立中文集二十卷

明

王璉錦江類稿

王汝玉青城山人集八卷

徐瑄序璉汝玉俱立中子

金

庠橋門聽雨詩一卷

朱良育草堂詩集十卷

陳大成許墅

許墅關志

卷之十七

藝文

關志

刑科給事中張裕纂輯

邢參姓氏彙典二卷邢處士集未刻詩集

王錫爵序

蔣宗魯許墅關志

岳岱詠懷詩九十六篇山居稿三

十一卷

一作漳餘子

陽山志今雨瑤華

顧九思祠堂記一卷近譜

履歷一卷掖垣題稿三卷

顧元慶陽山新錄茶譜二卷茶具

圖一卷瘞鶴銘考一卷編雲林遺事一卷大石山房十友譜一

卷茗曝偶談一卷茶話一卷山房清事一卷夷白齋詩話一卷

閩遊草一卷四十家小說十冊

陸汝戒陽山志兩卷

陳仁錫錢位坤

序

許守謙許關事宜

王三錫權書備遺

楊佩訓許墅事

宜 唐文璨亨帚集四六稿

王之都漕海河道及三司各港

圖說

張萱疑耀及雲笈七籤諸書

馬之駿妙遠堂桐雨齋



等集 何楷社選楷權關時接士談藝選也 惠有聲左傳補註一卷百歲

堂書目四卷 張我成廣雅集 張永禧虎嘯拙政集 周之

與讀史詩徐枋序 張整綱目要語 張氏四世文獻集祠堂儀

略

本朝

韓洽羊山志四書因註禮記因註儀禮因註士庶儀禮篆學

測解十二冊明詩存寄庵詩集四冊寄庵詩存一卷 劉雲

劉氏詩存一卷字師望布衣 戴易鈞臺詩集 朱天成詩集

李繼白江南遊草 吳物榮錦峯樵稿物榮字慎庵居吳宅吳庠生以詩名采入

張起諧入大家文選綱目摘要 張葩逸天文集

濟野關志 卷之十七藝文 二

五卷詩集六卷葩字整躬為諸生性孝友工草書 董人望夏蒼書雜文一

卷二人俱以古文名 施燦養正錄 張玉樹名古軒詩集 金祿

詩文集 凌雲升自訂文集 張德純儀禮周禮箋解書學

統宗詩經解頤莊子箋釋離騷節解六書統宗周禮管窺考

工記憶孔氏易緒請纓吟東浦偶存素心社集青琅玕零稿

水調歌頭詞玉梁殘稿玩芳集不息軒殘稿羈鳳集寄園秋

稿日歸集遂初集千文隸正詩緒 吳爾惠詩文稿爾惠字叔濂有

至性具幹才不求 劉士龍觀風試牘 陳常夏許野關志

聞達授徒自給 施某釀花鬪草某字歐仲為諸生有學行施氏代有文學著書甚夥此僅吉光片羽

高斌固哉草亭詩稿 凌封祝政本堂文集 陳炳陽

珮韞貢生孫



山草堂集十卷 黃中堅蓄齋集十二卷詩四卷 曹棟快

哉書 朱受新木鳶詩集六卷木鳶賦稿 沈光熙桐軒詩

集四書會心錄宋元詩選曝書亭詩餘箋注華谿詩話 朱

日章南耕錄 沈光熙王宗源文集合稿 沈光照經畚堂

詩草 光照字武詒號電巖光熙弟太學生人品端方詩名素著 邵紳繡川詩稿 林良

銓膠谿唱和二卷 羅志杰半凡詩草 志杰字迥凡無錫人贊夏王村吳氏以師

道自任多所成就 許永文息耕吟一卷 顧禮琥玉遮山房集

徐秉珪敬亭山人詩三卷 王鳴盛阮學濬序 朱高濬學吟草 張

喬醉吟草 李友杜 國朝詩八十卷續沈歸愚所選別裁

集若干卷拙驅集六卷澹湖遺稿一卷 錢泳傳并梓 朱振陽山

沂墅關志

卷之十七

藝文

三

朱氏宗譜 振字仲謀宋樂圃先生長文裔與從祖泰菟羅數十年方成 施一鴻施氏世

譜四冊 凌奎錫山凌氏本支錄手澤長詒題跋一卷 集名人題

其祖雲升贈座主張鵬翮詩卷詩文 漁莊草堂圖題跋一卷 集名人題詠 吳維震

讀書作文譜 纂錄諸儒精要語 詩詞遺稿 吳宗華吳氏宗譜 吳

鏡白豸山房詩稿 邵源滌庵詩稿 張宗浚鍊山遺詩一

卷 朱中台硯雲詩草 張寅痘疹大成一卷 寅太倉人自言姓盧崑岸

生緣事改姓流寓沂墅為醫痘疹大成一書述葉天士之書也 廣日記故事勸世流通說書

不著撰人姓名太學生陳懋梓以傳世 錢文炳承恩堂文集 文炳字虎侯號繡峯金匱人孝

廉 蔡汝弼夢吾詩稿 陸吟柳南詩鈔 凌壽祺沂墅舊

聞 集先世記載沂墅故實及己所見聞 貫莊詩文叢稿漁莊集 錢大昕宋思仁唐仲冕張詒序



濟野關志卷之十七終

濟野關志

卷之十七

四



濟野關志卷之十七終

藝文補遺

李大瞻葉氏醫案

濟野關志

卷之十七 藝文 補遺